



Da la suprananza cumünela

Persunel

Zieva avair fat ponderaziuns a fuond ed üna analisa detaileda s'ho resulto cha l'administraziun drouva üna impiegheda / ün impigheo dapü. Per sgürer las uras d'avertüra e scha qualchün crudess oura esa necessari d'avair üna rimplazzanta u ün rimplazzant. Pel mumaint nu es ün ne tschel pussibel. Cotres fo il chanzlist la dumanda per scirver oura üna piazza scu allrounder chi pudess güder illa controlla d'abitants ma eir illa contabiled e l'uffizi da fabrica scu agüd per schligerir l'affer da mincha di. La suprananza cumünela decida unanim d'aderir a la proposta dal chanzlist per publicher üna piazza da l'an nouv scu commerciant/-a per l'administraziun cumünela.

Convegna liftin Bügls

La preparaziun da pista cun naiv artificziela ed ils transports da naiv per il liftin a Bügls ho chaschuno fich grands cuosts l'utuon da l'an 2016 e nu ho cuntanto in üngüna maniera. Per amegldrer la situaziun in futur es gnieu fat dal silvicultur ün concept per innaiver. In futur es previss da prodüer naiv artificziela sül lö schi fo bsögn. Lotiers es previss l'inchaschamaint d'ova cun ün attach d'ova sülla parzella nr. 316. Per pudair gestiuner il liftin, vegn stipulo üna convegno per regler l'inchaschamaint d'ova e l'attach per innaiver sülla parzella nr. 316. La suprananza cumünela decida unanim d'aderir la convegno.

Convegna da prestaziun Spitex

Cun data dals 12 december 2017 ho survgnieu la vschinauncha da S-chanf la nova convegno da prestaziun da la Spitex. La nova convegno da prestaziun vala pels ans 2018 e 2019. La suprananza cumünela decida unanim d'aderir a la convegno.

La suprananza cumünela

La suprananza cumünela decida da sustgnair la vschinauncha da Silvaplauna per lur arrandschamaints cun fr. 950.00, la Sinfonia Engiadina cun fr. 440.00, la vschinauncha da La Punt (InnHub-Engadin) cun fr. 730.00, il White Turf a San Murezzan cun fr. 2'000.00 e la Corvatsch AG per evenimaints da l'an 2018 pel FIS World Cup cun fr. 200.00 e la Freestyle-SM cun fr. 550.00.

Alps e pasculs S-chanf

La suprananza cumünela discuta aunch'üna vouta il contrat fittaunza traunter la vschinauncha da S-chanf e la societad da alps e pasculs.